

Джилдән авдг олз-ору хойр холвднж өсв

Мана селәнә эдл-ахун артели колхозникуд ирх джилин сентябрь сард эврәнн колхозин 20 джилә өбн темдглхмн.

Мана колхоз тогтад ода 19 джил болв. Эн цагин мана, Сталинә нертә колхоз—агьуик эдл-ахуд хуврв. Партин Централын Комитетин болн Советск правительствин килмджин ашиг, КПСС-н ЦК-н сентябрьск пленумин тууджлгч шиидврмүдин ашиг колхозникуд болгын эврәнн бәәхтә бәәдл-джиргьлдән үздж йовна.

КПСС-н ЦК-н сентябрьск пленумин хөбтк джилмүдт мана колхозин эдл-аху алык чигн халхарн өбдлв. Колхозин эдл-ахуд 1953 джилд 35 миньгь гар хөн бәәсн болхла, эн джилин июль сарин 1-шинд хөбнә то 53 миньгь күрв. Эн цагин эргцд хөбнә ноосна гарцнь бас темдгтә кевәр өсв. 1957 джилд государствд 13698 пуд сән чинртә торгын ноосн өггө, эс гидж 1953 джилд өггәснәс 3408 пуд ноосн икәр өггдв. Хөбнә ноосна гарцнь дөрвн джилин эргцд дундлад нег хөн болгынд 210 грамм икдв.

Колхоз кесг джилин ут-туршарт джил болгын кесг сай арслнъ ору авчана. Кермджән 1953 джилд колхозин цуг мөнъгнә орунь 5 сай 667 миньгын арслнъ бәәсн болхла, эн джилин зуг түрүн өрәлдн (июль сарин 1-шинд) 5 сай 285 миньгын арслнъ мөнъгнә ору орсн бәәнә. Эн джилин цуг ору, хагсу ганьгта джил болсн бийнь, дуньгхид 9 сай арслнъ болхмн.

Колхозин бод мал болн шо-

вуна ферм бас темдгтә кевәр өсдж йовна. Мах гаргьлгын эн дөрвн джилин эргцд 10134 пуд күрв, эс гидж 1953 джилд гаргьгдснәс 4260 пуд махн икәр гаргьгдв. Укр болгьнас үс саадж авлгын манд ода бийнь хол тагт, болв цуг үс саадж авлгын бас темдгтәгьяр өсв. Колхозар 1953 джилд 27 295 литр үсн саадж авлдсн бәәсн болхла, 1956 джилд 115 миньгын литр үсн саагдла. Дундлад саалин нег үкрас үс саалгын 1953 джилд—77 литр билә, 1956 джилд—242 литр, эн джилин августин 1-шинд бәлхла, 173 литр үсн саагдсн бәәнә.

Государствд бндг орулдж өглгнә зурагын эртәр күцәгьәд, ода бндгн государствд хулдгдджана.

Колхозин эдл-аху өсәд-өргдждәд, мөнъгнә ору икдәд йовхин ашд колхозникудин күчкөлснә өдрт өггдг мөнъгн джил болгын өсәд йовна. Ниднин джилд күчкөлснә нег өдрт 16 арслнъ 64 деншг өггдв. 1956 джилд энъгин 358 өрк-бүл 10-д миньгьад арслнъ авихав, 71 өрк-бүл 10-д миньгьадас ави 15-д миньгьад арслнъ, 43 өрк-бүл 15—20 миньгьад арслнъ. 31 өрк-бүл—23—30 миньгн арслнъ авчихав. Зуг эн джилд колхозин 28 өрк-бүл шин гермүд бийстән бәрджәцхәнә.

Цуг эн хамг—мадна тускар гаргьджах Коммунистическ партин болн Советск правительствин йоста гидг килмджд гидж колхозникуд болгын медлжәнә.

Зуг КПСС-н ЦК-н сентябрьск пленумин хөбтк, 1954 джилд 17 кошар, малин 8 хаша, гахан фермин гер, малчнр, хөбчнр бәәдг 2 гер тосхгдла, 4 худг, 2 артезиан малтгдла. Колхозин эдл-ахун өслтмә хамдан колхозин актив, шумгьа, дадмг улс өсәд йовна. Колхозин актив өслгын—хамгин сән гисн дилвр болдг.

Ах хөбчнр Социалистическ Көчкөлснә Герой Я. И. Попенкон, орден зүүгьәчнр, П. С. Шафоростовин, С. А. Махенкон нерднъ Хальмг таньгьчд биш, цуг Ставропольск крайд тоомсрта. Өдгә цагт мана колхозд 107 күн орден зүүгьәчнр бәәнә. Кесг колхозникуд джил болгын Цугсоюзин селәнә эдл-ахун гәәхүлд одцхана.

Ода цуг мана колхозникуд, специалистнр, эрт хөбдин көг тәвлгынд болн мал үвлзүлгынд аргь-чидлән нөл уга көдлдж йовцхана. Сенябрин 15-с авн нег отар нәәднр хөбдин көг тәвгдхмн, октябрин 1-с авн тавн отархөд көгд орхмн. Эртәр хө хургьлулхин төлә 7 кошар, 6 дулан хаша тосхгдджана, малин үвлзньүр өвсн, гуйр-буудә зөбгдджәнә.

Селәнә эдл-ахун артели чледүд, Коммунистическ партин болн Советск правительствин агьуик килмджин хәрүд улм шунлттагьяр көдлдж, ирх үвлд үзмдждә сән белдвр тетгхәр ноолддж йовцхана.

И. П. САФОНОВ,

Элст балгьсна Сталинә нертә колхозин ахлач.